



UNIVERSITÄTS-  
BIBLIOTHEK  
PADERBORN

## **Summæ Theologicæ Scholasticæ Et Moralis**

In Quatuor Partes Distributæ

In qua de Incarnatione Verbi & Mysteriis vitæ Christi, nec non de  
Sacramentis in genere & singulis in specie succinctè & dilucidè tractatur

**Herincx, Wilhelm**

**Antverpiae, 1675**

Quæstio I. Ad quos pertineat Eucharistiæ confectio.

---

[urn:nbn:de:hbz:466:1-72963](#)

cominunem, quæ in materia de Angelis traditur, Christus post ascensum in cælum, in aliis apparitionibus non solet se exhibere in propria persona: tum quia hoc non requiriatur ad finem, ob quem istæ apparitiones contingunt, vel ad falsitatem & mendacium vitandum: non enim significatur, quod Christus sit præsens sub forma, sub qua apparet, sed quod sit realiter præsens sub speciebus consecratis. Confirmatur discursus per varios mutationum sive apparitionum modos: nam aliquando apparet in calice sanguis exuberans, aliquando hostia manat sanguinem, aliquando apparet massa cruda carnis: non est autem credibile carnem aut verum Christi sanguinem teorum realiter exhiberi. Deinde ita caro & sanguis aliquando per secula afferatur, alteratur, nigescit, corrumpitur: quæ non sunt attribuenda carni aut sanguini Christi jam gloriöis secundum propriam speciem. Idem clarius est, dum hostia vertitur in lapidem, aut aliud corpus: cum ibi ne quidem apparent aliquid Christi. Similiter dum Christus apparet corpore sanguinolento aut consusso, vel per modum pueri, nam cum nullibi sic existat in rerum natura, credibile videtur, apparitiones ejusmodi non esse Christi in propria persona. Quamvis hoc postremum non sit certum: cum similiter se exhibuerit in propria persona, & tamen in specie peregrina, post resurrectionem, tum Magdalena, tum duobus discipulis eundem in Emmaus.

**Dico II.** Non obstantibus similibus mutationibus, manet Christus in Sacramento tunc solum & semper, quando species non sunt realiter sic immutatae, quin si non forent consecratae, adhuc posset sub illis naturaliter permanere substantia panis & vini. Patet: quia prefentia sacramentalis dependet à solis speciebus, idque quando ipse manent per se sufficietes ad conservandam sub simili substantiam panis & vini. Porro an talibus natura mutatione verè contigerit, non potest semper littera abduc dignosci. Quando equidem brevi cedant species, signum est illas tantum fuisse sensu nostro occultatas sine immutatione circa ipsas factæ. Sed quando mutatione permanent, v.g. caro sanguis, lapis &c. & ex inæquali-

tate aut odore, sapore, duritate, similitute qualitatibus magis propriis (color enim & figura sunt satis indifferentes, ut iis mutatis non necessariò mutetur res ipsa) colligitur species panis aut vini esse perfectè corruptas, nulla enus ibi manet Christus sacramentaliter, ideoque nec exhibenda est reverentia, quæ Christo in Sacramento, sed quæ miraculofo vestigio Christi, qui ibi praecedit, potest exhiberi. Putat autem Suarez non esse carnem aut sanguinem propriè dictum, in quem species Eucharisticae quandoque miraculosè transmutantur, sed aliud corpus a Deo productum, quod figuram & speciem carnis & sanguinis referat. Verum nulla est ratio negandi esse carnem & sanguinem propriè dictum; non quidem hominis aut bruti, sed creatum à Deo, & nulli tuncquam animali incorporatum.

Petes, quid faciendum fit Sacerdoti sacrificanti in hujusmodi apparitionibus? Resp. si species sacramentales redemptio esse sumendas: cum nulla sit ratio non sumendi, & mutatio verosimiliter tantum contingit in oculo sacrificantis. Si non redant, & mutatio tantum contigerit in aliqua parte specierum, sumi debet residuum ad complementum sacrificii. Si mutatio sit totalis, & perseveret, reservandas sunt species sic mutatae: neque est necesse denuo consecrare (etsi id putent Aliqui) Deus enim ipso facto tunc videtur dispensare in præcepto, quo mandavit utriusque speciei sumptionem. Addant Alii, reconssecrationem tunc non fore consumptionem prioris sacrificii, utpote in utraque specie consecrati, sed potius novi inchoationem. Ad quod tamen dicent aliter sentientes, censer moriliter consumptionem prioris sacrificii. Scut si totus sanguis sit effusus, debet demandari consecratio calicis juxta Rubricas Missale, censeturque hæc pertinere ad complementum incepti sacrificii, perficiendi sumptione utriusque speciei. Eadem Rubrice pars 3. n. 3. in fine reconssecrationem confundunt in calice, quo hostia per miraculum disparerit. Quare in praesenti similiter fieri Plures confundunt, et non necessariū putent. Quod nec ego vellem improbare. Vixi potest Suarez d. 55. fol. 4.

## DISPUTATIO QVINTA.

### De Ministro Eucharistie.

#### QUESTIO I.

Ad quos pertinet Eucharistia  
consecratio?

**D**ico: Eucharistæ consecratio pertinet ad solos sacerdotes ritè ordinatos: ita ut hi soli validè consecrent,

Est contra quosdam Hæreticos existimantes, quod omnes Christiani sint sacerdotes, & habeant hanc potestatem, etsi cùm non debent usi, nisi à communitate depunant scilicet ob disciplinam & ordinem Ecclesie, & ad vitandum nimiam confusionem, que esset, si quilibet Sacramenti consecratio s'ingereret: ut sensit Lutherus variis locis apud Bellarminum lib. 4. de Euchar. cap. 16. Inno-

is eo usque progressus est, ut diceret in Lib. de Missa privata & Vnctione sacerdotum (teste Bellarmino sup.) fore verum Sacramentum, etiam si à diabolo conficeretur. Idem in re sentiunt Kemnitius & recentiores Lutherani, etiamsi quæstionem istam ut plurimum dissimilare soleant. Miraturque merito Bellarminus dissentire Sacramentarios uero docentes Sacraenta non operari, nisi excitando fidem, & per Ordinationem ministrorum non imprimi characterem, nec dari novam spiritualem potestatem, sed locum usum seu officium.

Verum Conclusio constat ex communi consensu & perpetuâ traditione Ecclesiæ, cuæ in plurimis Conciliis etiam est definita, ut Nicano I. can. 14. alias 18. Lateranensi, & resertur cap. Firmiter, de summa Trinitate Florenzino, & novissime Tridentino sess. 22. cap. 1. & can. 2. sess. 23. cap. 1. & 4. & can. 1. Idem docuerunt antiqui

Patres, cum efficacia verborum Christi conjungunt statum sacerdotalem, eumque inde extollunt. Sic Chrysostomus ob hanc eximiam potestatem consecrandæ Eucharistie non raro scribit angelis æquari sacerdotes sive ab his illos superari lib. de Sacerdotio & alibi. Ambrosius I. de dignitate sacerdotali c. 2. sacerdotalem potestatem regie anteponit. Quod etiam faciunt Chrysostomus & Nazianzenus, & re ipsa docuit S. Martinus, cum teste Severo Sulpicio in vita illius, in convivio Imperatoris hunc postposuimus Presbytero. Hieronymus quoque frequenter asserit non posse nisi Episcopos & Presbyteros Eucharistiam confidere, & Epistol. ad Evagrium hoc potissimum argumento demonstrat Presbyteros esse longè superiores diaconis, quod hi non habent potestatem consecrandi Eucharistiam. Quo titulo etiam S. Franciscus in suo Testamento tantum honorem vult deferri Sacerdotibus. Immo (teste S. Antonino 3. part. Chron. Tit. 24. c. 2. §. 2.) dixit: Si

Sancto venienti de calo, & pauperculo aliqui Sacerdotio, me continget obviare, ad Sacerdotis manus desculandas citius me conferrem, & Sancto dicem: Expecta me Sancte, quia manus humani modi verbum vite contredicunt, & ultra humanum aliquid possident. Præterea Clemens Romanus I. 2. Confident. Apost. cap. 31. loquens aperte de sacrificii oblatione, ait: Laius omnis sine sacerdote perficiens aliquid, frustra facit. Denique nullum proferri potest ex tota antiquitate exemplum, quo probetur diaconum aut laicum in aliquo casu consecrassæ Eucharistiam: sicut tamen non pauca proferuntur exempla, quibus ostenditur in certis casibus diaconos, immo & laicos baptizasse. Vide Bellarminus supra, qui tamen non recte allegat Ignatum Epist. ad Trallianos ad confirmationem hujus veritatis, ut insipienti textum patebit.

Ratio Theologica est: quia potestas con-

ficiendi Eucharistiam debet provenire ex concessione Christi, qui nusquam legitur illam, promiscue omnibus dedit. Quin immo ipse nullis dedit potestatem consecrandi, quam iis, quibus dixit I. m. 22. Hoc facite in meam commemorationem; id est, solis Apostolis, eorumque in sacerdotio successoribus, ut semper intellexit Ecclesia; quibus proinde potestatem dedit consecrandi: cum haec fuerit præcipua Christi actio, quam verba illa demonstrant.

Confirmatur: quia si vetus sacerdotium non erat omnibus commune, sed constitutis à Deo speciale, quantò magis in hoc longè excellentiori sacerdotio fuit obserandum, ut nemo sibi illius honorem sumeret, sed qui vocatur à Deo tamquam Aaron, ut loquitur Apostolus ad Hebr. 5. Ob quod ab initio Ecclesiæ usitata fuit Ordinatio Sacerdotum, in qua eis traditur consecrandi potestas.

Omnis porrò Sacerdotes certum est validè posse consecrare, et si sint haeretici, schismatici, excommunicati, degradati, irregulares, aut alias impediti: id namque patet ex sensu totius Ecclesiæ, & ex 4. cap. 4. Tridennio sess. 7. can. 9. & alibi, docente numero 4. validè potest consecrare.

Confirmatur: quia consecratio non est actus jurisdictionis respiciens subditos, sed tantum Ordinis, respiciens materiam consecrandam. Deinde revertentes ab haeresi aut schismate non iterum ordinatur, sed recipiuntur in suo gradu. Similiter sublatæ excommunicatione aliove impedimento canonico, permittuntur ministrare, qui antea impediti fuerant.

Non facet Magistro & Gratiano in cap. Quod quidem I. q. 1. (qui improbabiliter dixerunt quosdam sacerdotes, præsertim haereticos, schismaticos, degradatos, non posse validè consecrare) quod nonnulli Pontifices & Patres dicant talium consecrationes non esse ratas, vel esse irritas: nam hi solum volunt, quod reprobent tamquam illicitæ & sacrilegæ, quodque à talibus Episcopis ordinati sint suspensi ab exercitio.

Non facet etiam, quod præcisi ab Ecclesia non possint ejus nomine dicere: Offerimus &c. eò quod Ecclesia nolit talibus uti: nam hoc, veluti ceremonia, non requiritur ad valorem sacrificii vel consecrationis.

Nihilominus præcisi ab Ecclesia per censoriam, vel suspensi ab officio sacerdotali, conficiendo Eucharistiam graviter peccant, quantumvis supponeretur esse in statu gratiae, adeoque duplice peccato, si praemittuntur terca

terea sunt extra statum gratiae. Porro status gratiae generaliter in Ministro requiriatur, non tantum ut licite sumat, sed etiam ut licite conficiat; ut ad consecrationem aliorum Sacramentorum. Sufficit tamen in confessione dicere: *Celebravi in malo statu.* Estque duplex peccatum sacrilegii, scilicet indignae receptionis & confessionis juxta Aversa & alios. Nonnulli tamen dicunt esse upicum, ut Diana, Azorius, Bonacina & alii. Equidem in praxi Cubitari non potest ( ait Aversa q. 10. sct. 1. in fine ) non satisfacere talen dicendo: *Communicavi in malo statu.* Confessio autem prærequiritur ad celebrationem, quatenus continetur, non quatenus conficitur Eucharistia.

*Extra statum gratiae  
conficiuntur  
peccatum, tum  
conficiendo,  
tum sumendo.  
Qualiter  
id confiden-  
dam.*

## QUÆSTIO II.

Ad quos pertineat Eucharistiae dispensatio?

*6.  
Sa eredita-  
bus dedit  
Deus ordi-  
nariam po-  
testatem di-  
stribuendi.*

**D**ico I. Ordinaria potestas & auctoritas dispensandi hoc Sacramentum jure divino ita est sacerdotibus concessa, ut nullis aliis inferioribus pari jure competit. Ita communiter Doctores. Probatur ex Luca 22. *Hoc facite in meam commemorationem.* Quibus verbis Christus sicut consecrationem corporis sui principaliter commisit Apostolis, eorumque in sacerdotio successoribus, sic etiam ejusdem distributionem, quasi dixisset: *Actis Deo gratiis Corpus meum consecrate, aliisque distribuite.* Idem colligitur ex hymno Ecclesiae: *Cujus scilicet sacrificii officium committi voluit solis Presbyteris, quibus sic congruit, ut sumant et dent ceteris.* Unde Tridentinum sess. 13. c. 8. *Semper ( inquit ) in Ecclesia Dei mos fuit, ut laici à Sacerdotibus communionem acciperent, qui mos tamquam ex Traditione Apostolica descendens, jure ac merito retineri debet.* Quare etiam olim, dum Corpus Domini porrigebatur in manus Fidelium communicantium, id ipsum fiebat à Sacerdote, qui censebatur principalis dispensans. Congruentia est: quia conveniebat, ut qui potestatem accipiebant super corpus Christi verum in confiando, etiam acciperent super corpus Christi mysticum, id est, Ecclesiam in dispensando. Deinde sicut Sacerdos, inter Deum & homines medii, est dona & vota populi Deo offerre, ita etiam dona divinitus sanctificata populo tradere.

Requiritur porro Ordo sacerdotalis solum ad dispensandum licite, non autem ad dispensandum validè, aut etiam cum fructu suscipientis, si hic sit dispositus, adeoque bona fide suscipiat à non ministro, immo et si suscipiat Eucharistiam taliter dispositus à se ipso: utpote sine obice suscipiens verum Sacramentum.

**D**ico II. Non est tamen jure divino

prohibitum committere aliis ex deloga-  
tione hujus Sacramenti dispensationem. Pa-  
net ex antiqua praxi, quâ olim diaconi  
non quidem propriâ auctoritate, sed ex  
iustu Episcopi vel Presbyteri, velut eorum  
ministri, Eucharistiam dispensabant; ut  
constat ex Clemente Romano l. 8. consit. 3.  
28. Cypriano Serm. de Lapsis post med. Et ver-  
bis S. Laurentii Martyris ad S. Xystum Papam  
Cui commissli Dominici sanguinis dispensatio-  
nem. Et quâvis dispensatio sanguinis ob  
certas rationes diaconis forteſe comi-  
teretur frequentius: quod tamen etiam  
frequenter commissa eis fuerit dispensa-  
tio corporis Christi, testis est Iustinus Mar-  
tyr Apologiz. 2. pro Christianis in fine, & Ni-  
cenum l. can. 14. aliâ 18. statuens: *Quid ali-  
fi non fuerit in praesenti vel Episcopus vel Pre-  
byster, tunc ipsi ( scilicet Diaconi ) prefran-  
& edant. Et Carthaginense IV. cap. 38. sta-  
tuens, ut diaconus præsente presbitero Eucha-  
ristiam corporis Christi populo, si necessitas in-  
gat, iussus eroget.* Quocirca nullatus ad-  
mittendum est, quod Aliqui dixisse refe-  
runtur, diaconum ex officio potuisse di-  
pensare sanguinem, ex commissione autem  
corpus Christi. Neutrū enim ex officio  
sc. proprio jure, verū tantum tamquam  
commissi seu delegati potuere; ut loquuntur  
auctoritates relate, & Clemens l. 8.  
constitut. *Apost. c. 28. dicens: Oblation ab  
episcopo aut Presbitero facta, ipse diaconus de  
populo, non tamquam sacerdos, sed tamquam  
infrat presbyteris.* Quemadmodum Do-  
minus afferit fanulos ad distribuendum  
pauperibus panem. Putat tamen Aversa q.  
10. sct. 3. Corporis distributionem fuisse tan-  
tum committendam & commissam in ne-  
cessitate: secus quâm sanguinis, qui non de-  
bet tangi, ut corporis. Sed hoc paucum probat  
cum olim etiam laici viri communicanti  
tangerent illud nudis manibus. Credotamen  
sæpius commissam fuisse dispensationem  
Sanguinis, quâm Corporis ob commis-  
sionem fideliū communicantium in utraque  
specie, quibus per ordinem sacerdos com-  
municabat Corpus, diaconus subsequens  
Sanguinem, sicut nunc minister ablutione-  
ne alias dupli tempore & labore occupa-  
ret sacerdos, sicut si ipse singulis perfe-  
daret quoque ablutionem.

Solebat autem commissio ista olim effi-  
cienter: cum tunc ob paucitatem pres-  
byterorum passim esse moralis necessitas.  
Nunc vero in defuetudinem abiit; cum ma-  
jor sit modò copia sacerdotum, quam co-  
rum, qui tantum sunt diaconi, ideoque vir-  
umquam occurrat necessitas: quæ tamen  
juxta communem sensum requiritur ad hoc,  
ut diacono committatur, sive sacerdos sit  
præsens, sive absens.

Ceterum non debet necessitas esse adeo  
gravis, sed sufficit causa notabilis pruden-  
ter dijudicanda, v. g. ex parte sacerdotis  
infirmitatis.